



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2007. GODINU NOVE HRVATSKE INICIJATIVE

Broj: 03-07-6- 3403-2/08
Sarajevo, 23.04. 2009. godine

SADRŽAJ:

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS REVIZIJE.....	5
3.1. Predmet revizije.....	5
3.2. Cilj revizije.....	5
3.3. Obim revizije.....	5
4. PRETHODNE KONTROLE REVIZIJE.....	5
5. NALAZI REVIZIJE I PREPORUKE.....	6
5.1. NALAZI.....	6
5.2. PREPORUKE.....	7
KOMENTAR.....	7

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je reviziju godišnjeg finansijskog izvještaja Nove Hrvatske inicijative za 2007. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da Nova Hrvatska inicijativa u izvještajnom periodu nije postupala u skladu sa odredbama člana 11. stav 1. i 3. Zakona o finansiranju političkih stranaka.

Prema našem mišljenju, osim navedenog, revidirani finansijski izvještaji ukazuju da je Nova Hrvatska inicijativa postupala u 2007. godini u skladu sa Zakonom o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila reviziju godišnjeg finansijskog izvještaja Nove Hrvatske inicijative za 2007. godinu.

Revizija je preduzeta u skladu sa članom 14. stav 1. Zakona o finansiranju političkih stranaka i članom 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Nova Hrvatska inicijativa je iskazala prihode u iznosu od 143.620,98 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	3.100,00	2,16%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	140.520,98	97,84%
	Ukupni prihodi:	143.620,98	100,00%

U godišnjem finansijskom izvještaju Nova Hrvatska inicijativa je iskazala ukupne rashode u iznosu 133.152,47 KM.

2. PREDSTAVLJANJE POLITIČKE STRANKE

Naziv političke stranke: Nova Hrvatska inicijativa. Skraćeni naziv stranke je NHI.

Politička stranka Nova Hrvatska inicijativa je registrovana 06.07.1998. godine kod Kantonalnog suda u Sarajevu pod brojem: R -I -5/98¹.

Sjedište političke stranke je u Sarajevu, Titova 9a.

¹ Dana 05.03.2008. godine u Registar političkih organizacija kod Općinskog suda u Sarajevu pod brojem: 065-0-Reg-07-003919 je upisano udruživanje političkih stranaka Hrvatske seljačke stranke BiH i Nove Hrvatske inicijative, u novu političku stranku HSS BiH-NHI. Rješenjem istog Suda broj: 06-0-Reg-08-001502 od 16.05.2008. godine, promijenjen je naziv stranke u HSS-NHI.

Za zastupanje stranke ovlaštteni su Krešimir Zubak, predsjednik, Dobrica Jonjić, predsjednik Izvršnog odbora i Anton Knoll, rizničar. Osoba ovlaštena za podnošenje finansijskih izvještaja za 2007. godinu je Anton Knoll, rizničar.

Organizacionu strukturu stranke NHI čine:

- Središnjica NHI Sarajevo,
- Kanton Središnja Bosna sa 11 općinskih organizacija (povjerenstava) sa uredom u Travniku,
- Kanton Posavina sa 3 općinske organizacije i uredom u Orašju,
- Kanton Sarajevo sa 4 općinske organizacije i uredom u Sarajevu,
- Hercegovačko- Neretvanski kanton sa 1 općinskom organizacijom u Konjicu,
- Zeničko-Dobojski kanton sa 3 općinske organizacije,
- Kanton Tuzla sa 3 povjerenstva,
- Regionalna organizacija Doboj- Derventa sa 4 povjerenstva,
- Regionalna organizacija Banja Luka sa 3 povjerenstva,
- Regionalna organizacija Šamac-Pelagićevo sa 2 povjerenstva i
- RO Brčko Distrikt.

3. OPIS REVIZIJE

Predmet revizije je godišnji finansijski izvještaj NHI za 2007. godinu, i to sljedećih organizacionih djelova:

- Središnjica NHI Sarajevo,
- Regionalna organizacija Šamac- Pelagićevo i
- Kantonalni odbor Središnja Bosna.

Cilj revizije je da se prikupi dovoljno relevantnih dokaza kako bi se moglo izraziti mišljenje o tome da li je NHI u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskog izvještaja NHI obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i način trošenja sredstava, sa posebnim naglaskom na priloge pravnih lica i prihode iz budžeta.

4. PRETHODNE KONTROLE I REVIZIJE

Izvršena je revizija godišnjeg finansijskog izvještaja NHI za 2005. godinu i izdat izvještaj o reviziji sa mišljenjem u kome je navedeno da je stranka postupala suprotno odredbama člana 6. i člana 11. stav 3. Zakona o finansiranju političkih stranaka.

Služba za reviziju je obavila pregled godišnjeg finansijskog izvještaja NHI za 2006. godinu i izdala izvještaj o pregledu sa mišljenjem i nalazima revizora da je stranka postupala suprotno odredbama člana 11. stav 3. Zakona o finansiranju političkih stranaka.

Realizovane preporuke:

Stranka je ispoštovala preporuke date u izvještaju o reviziji u dijelu koji se odnosi na odredbe člana 6. Zakona o finansiranju političkih stranaka.

Nerealizovane preporuke:

Stranka nije ispoštovala preporuke date u izvještajima o reviziji i pregledu koje se odnose na odredbe člana 11. stav 3. Zakona o finansiranju političkih stranaka.

5. NALAZI REVIZIJE I PREPORUKE

5.1. NALAZI

Na osnovu obavljene revizije finansijskih izvještaja, utvrđeno je da je NHI prekršila odredbe člana 11. stav 1. i stav 3. Zakona o finansiranju političkih stranaka.

Nova Hrvatska inicijativa nije uspostavila adekvatne evidencije o svojim prihodima i rashodima, finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka (« Službeni glasnik BiH» broj 61/06).

- Stranka je postupila suprotno odredbama člana 11. stav 1. Zakona o finansiranju političkih stranaka,² i člana 19. Pravilnika o godišnjim finansijskim izvještajima političkih stranaka, jer u okviru prihoda iz budžeta (obrazac 3-f) nije iskazala uplaćena sredstva od strane opštine Pelagićevo u iznosu od 2.000,00 KM.
- Na obrascu 2 (Pregled prometa svih transakcionih računa) stranka za niže organizacione dijelove (kantonalne, regionalne i opštinske organizacije) nije navela naziv banke, brojeve transakcionih računa kao ni promet ostvaren na tim računima.³ Na pomenutom obrascu stranka nije iskazala transakcioni račun broj: 132-190-03091483-72 otvoren kod Tuzlanske banke putem kojeg su joj uplaćena sredstva iz budžeta opštine Pelagićevo.⁴ Obrazac nije popunjen u skladu sa članom 11. Pravilnika o godišnjim finansijskim izvještajima političkih stranaka.
- Na obrascu 2-1 (Pregled stanja blagajne) stranka je iskazala promet samo za Središnji ured, dok za kantonalne i regionalne organizacije nije iskazala promet blagajne. Takođe nije iskazala promet za niže organizacione dijelove stranke (opštinske organizacije i povjerenstva). Stranka ne vodi blagajnu za niže organizacione dijelove, gotovinu za pokriće materijalnih troškova uplaćuje na štedne knjižice fizičkih lica, što nije u skladu sa odredbom člana 12. Pravilnika o godišnjim finansijskim izvještajima političkih stranaka.⁵
- Stranka nema evidencije u poslovnim knjigama niti je na obrascima rashoda nižih organizacionih dijelova iskazala troškove zakupa poslovnih prostorija koji je koristila

² Političke partije su dužne da vode evidenciju o svojim prihodima i rashodima.

³ Navedeni podaci nisu uneseni za sljedeće organizacione dijelove stranke i to, Kantonalne odbore: Sarajevo, Središnja Bosna, Tuzla i Posavina, kao i za Regionalne odbore: Doboj-Derventa, Šamac-Pelagićevo, Banja Luka i opštinski odbor Konjic.

⁴ Akt opštine Pelagićevo broj: 02-052-44/08 od 02.03.2009. godine.

⁵ Stranka je uz godišnji finansijski izvještaj za 2007. godinu dostavila specifikaciju računa štednih knjižica i lica na koje one glase, bez uvida u promet ostvaren na tim knjižicama (uplate- isplate).

Središnjica stranke i kantonalni odbor u ul. Titova 9-a Sarajevo u 2007. godini.⁶ Troškovi zakupnine nisu iskazani ni za regionalne organizacije Šamac-Pelagićevo i Doboj-Derventa.⁷

- Na obrascu 5. (obaveze stranke) nisu iskazane obaveze Središnjice i kantonalnog odbora NHI u Sarajevu po osnovu korištenja poslovnog prostora u vlasništvu Federacije Bosne i Hercegovine.⁸

5.2.PREPORUKE:

NHI se preporučuje da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 11. stav 1. i 3. Zakona o finansiranju političkih stranaka, i to:*
 - *da obrasce godišnjeg finansijskog izvještaja popunjava na način kako je to predviđeno Pravilnikom o godišnjim finansijskim izvještajima političkih stranaka.*
 - *da vodi računa o svojim prihodima iz budžeta,*
 - *da vodi evidenciju o svojim transakcionim računima i ostvarenom prometu na istim,*
 - *da uspostavi upravljanje gotovinom putem blagajne i uvede obavezu vođenja blagajničkih izvještaja na dnevnom nivou uz obavezne priloge za niže organizacione dijelove stranke.*
 - *da vodi računa o rashodima svojih nižih organizacionih dijelova i da ih pravilno evidentira i iskaže na odgovarajućim obrascima godišnjeg finansijskog izvještaja.*
 - *da sve svoje neizmirene obaveze-dugovanja iskazuje na obrascu godišnjeg finansijskog izvještaja.*

KOMENTAR

U ostavljenom roku Nova Hrvatska inicijativa se očitovala na Preliminarni izvještaj o reviziji godišnjeg finansijskog izvještaja za 2007.godinu. NHI je u dopisu broj: 60/09 od 06.04.2009. godine navela da joj nije poznato da je općina Pelagićevo uplatila sredstva iz budžeta i da joj nije poznat transakcioni račun na koji su uplaćena sredstva. Takođe stranka navodi da ne vodi blagajne za niže organizacione dijelove, iz razloga ekonomičnosti, već da za pokriće materijalnih troškova otvara štedne knjižice na ovlaštene osobe. Obaveze za zakupninu prema zajedničkim službama Federacije BiH po osnovu korištenja poslovnog prostora u Titovoj 9-a nije iskazala u godišnjem finansijskom izvještaju iz razloga jer nije imala uvid u svoja dugovanja za 2007. godinu. Stranka u navedenom dopisu ističe da je za pomenuti poslovni prostor 25.04.2008. godine zaključila Ugovor o zakupu za zajedničkim službama Federacije BiH i da od navedenog datuma redovno izmiruje zakupnine. Za

⁶ Po osnovu Ugovora o zakupu poslovnog prostora sa «Feroelektrom» dd Sarajevo, do 22.10.2007.godine Središnjica NHI je bila smještena u kancelarijama pomenute firme u ul. Sime Milutinovića u Sarajevu i do pomenutog datuma zakupnina je bila unaprijed plaćena. Od 22.10.2007.godine Središnjica je preselila u prostorije Kantonalnog odbora NHI u Sarajevu, Titova 9-a. Prostor u Titovoj 9-a je u vlasništvu Federacije Bosne i Hercegovine, i prema izjavi br.01-162/07 od 31.12.2007.godine NHI za ovaj prostor neplaća zakupninu.

⁷ RO Šamac-Pelagićevo ima zaključen ugovor o zakupu poslovnog prostora sa Antom Matićem iz Pelagićeva, godišnji zakup u iznosu od 1.200,00 KM plaćen zakupodavcu. RO Doboj-Derventa ima zaključen Ugovor o zakupu poslovnog prostora sa Privrednom komorom Doboj br.02-139/04 od 14.07.2004.godine. Troškovi godišnjeg zakupa iznose 1800,00 KM, uvidom u račune sa uplatnicama potvrđeno je da se zakupnina plaća.

⁸ Prema podacima Službe za zajedničke poslove organa i tijela Federacije Bosne i Hercegovine broj: 01-23-2259/08 od 15.08.2008. godine, stranka ima neizmirene obaveze po osnovu zakupnine za 2006. i 2007. godinu.

neiskazane troškove zakupnina na obrascu 5. (obaveze stranke) ističe da je u pitanju propust, ali da su isti evidentirani u poslovnim knjigama. Služba za reviziju je razmotrila navode stranke iz dostavljenog očitovanja na Preliminarni izvještaj, te kako isti nisu ničim argumentovani da bi se osporili nalazi revizije, nalazi u konačnom izvještaju su osatali nepromjenjeni, osim u dijelu koji se odnosi na nepravilno popunjavanje obrasca 3-f, koji je stranka pravilno popunjen dostavila uz svoje očitovanje na Preliminarni izvještaj o reviziji godišnjeg finansijskog izvještaja za 2007. godinu.

Zahvaljujemo se ovlaštenoj osobi za podnošenje finansijskih izvještaja Nove Hrvatske inicijative na dobroj i korektnoj saradnji tokom obavljanja revizije finansijskih izvještaja.

Mr. Hasida Gušić, šef Službe

Andan Nevenko, revizor

Anela Burdžović-Kapić, pomoćnik revizora